

non opponuntur gratiæ. Mortalia quidem peccata delet, sed non omnia, sed illa tantum quorum qui ad hoc Sacramentum accedit, conscientiam, & affectum non habet. Nam qui fortê antea non fuit sufficienter contritus, deuotê, & reuerenter accedens, cōsequetur per hoc Sacramentum gratiam, quæ contritionem perficiet, & remissionem peccati vt docet Sanctus Thomas. 3. p. q. 79. art. 3. Et Scotus vbi supra. Et Diuus Ambrosius in lib. de Sacramen. dicit, q̄ hoc Sacramen mortuos viuificat, & sic secundum eum potest conferre primam gratiam, per quam peccata mortalia delentur.

¶ Doceat Quarto Parochus plebem sibi cōmissam alium effectum huius diuini Sacramenti, quod est remissio pœnarum debitarum peccatis. Verum hunc effectum directê non habet quatenus est Sacramētum, sed quatenus est Sacrificium. Pro quo aduertat, quod hoc Sacramētū simul est Sacrificiū, & Sacramentum. Si consideretur vt Sacramentum, idest respectu illud sumentis, directê nō habet remittere pœnā, quia non directê est institutum ad satisfaciendum pro pœna, sed ad spiritaliter nutriendum per vñionem ad Christum